



Jumat, 12 Agustus 2022
Ogen: Titus 2:6-8



"Jadi Usihen"



Tanggal 12 Agustus enggo itetapken PBB jadi hari Remaja Internasional, benana icakapken tupung Conference of Ministers Responsible for Youth tahun 1998. Ulih konfrensi enda gelah min kerina masyarakat ngatanken anak singuda muat bagin i bas mpekena-kena kegeluhen masyarakat. Mabai anak si nguda ertanggungjabap ngidah ras ndungi perbeben si lit i bas keluarga ras masyarakat. Lit pengakap maka anak si nguda ngasup maba perdamen ras mperdameken masyarakat sekelewetna i bas masa-masa kiningudanna. Gelah anak remaja enda meteh tanggungjababna selaku anak si nguda i bas keluarga ras mayarakat, perlu kepe man bana lalap ibereken pengajaren ras pengangkan kerna perbahanen si mehuli. Uga ermediate nandangi sekelewet. Lit min sura-surana nampati teman si perlu man sampaten, muat bagin i bas dahin-dahin masyarakat si maba karakter si mehuli. Isirangina perbahanen si jahat umpamana narkoba, judi, free sex, nokohi teman, tauran ras sidebanna. Sue ras pengajaren Paulus wari enda man Titus, Bageka min pengajarenta man anak-anak remaja i bas jabu bage pe i bas lingkungan sekelewetta. Nina Paulus, ajarken anak singuda gelah ngasup ngkuasai dirina i bas kerina dampar. Janah babai ia jadi usihen man kalak sideban i bas perbahanen si mehuli. Ngkuasai diri contohna si Jusup i bas ia igoda ndehara Potipar, kiam ia tadingkenna godaan e aminna pe labo lit si metehsa di kune ikutkenna pe sura-sura ndehara Potipar e. Jusup ngasup engkuasai dirina erkiteken Kata Dibata engkuasia pusuhna. Godan si bage banci saja turah i bas anak remaja, e maka lalap ipersingeti tupung ia nguda gelah Kata Dibata pediatna engkuasai dirina, em si jadi gegehna ngalaken kerina godan si lit. Tupung anak remaja nulak perbahanen si jahat, enggo sendalenen ia erbahan si mehuli.